

**PAASISSUTISSIISST NAKORSAATIT PUUANNUT  
ILANNGUSSAQ**

**Ipren ® 200 mg iisartakkat iuminarsakkat**  
Ibuprofen

**Paasissutissiisut una pingaarutilinnik imalik peqqissaartumik atuaruk.**

Paasissutissiisummi nakorsamit, nakorsaatilerisumit peqqinnissakkulluunniit sullissisumit allamit nassuiaatigineqartut tamatigut maleqqissaarlugit nakorsaat atortaruk.

- Paasissutissiisut kingorna atorfissaqartilersinnaagaku toqqussavat.
- Allaniq apeqqutissaqaruit nakorsaatilerisoq aperiuk.
- Iluuqutaanngippat ajornerulersitsippalluunniit nakorsamut attaveqarit
- Matumani allassimangitsumilluunniit kingunerluuteqalissaguit nakorsaq, nakorsaatilerisoq peqqinnissakkulluunniit sullissisoq alla attavigiuk.

Nakorsaatitut paasissutissiisut nutarterlaaq nittartakkami [www.indlaegsseddel.dk](http://www.indlaegsseddel.dk) -mi atuarneqarsinnaavoq.

**Paasissutissiip imai**

1. Sunniutaat atorpeqarfissaallu
2. Atulersinnagit ilisimasassat
3. Atorneqarnissaat
4. Kingunerluutit
5. Sumiitinnissaat
6. Imartussusaat paasissutissallu allat

**1. Sunniutaat atorpeqarfissaallu**

Ipren aseruunnernut akiuussutissanut tartut uiguusa aammut aniatitaannik hormonimik akoqanngitsunut (NSAID) ilaavoq. Ipren anniaatinut annikitsunut soorlu nukitsigut naggussatigullu anniarnermi, aaqarnermut atatillugu anniarnermi, kiguserinermi niaqorlunnermilu nipaallisaataasinnaavoq.

Ajornerulissaguit pitsaanerulinggikuilluunniit nakorsaq attavigiuk.

**2. Ipren nakorsaasiutsinnagu ilisimasassat**

**Ipren nakorsaatigissanngilat:**

- Ibuprofen akuisaluunniit arlaat (imm. 6-imi taaneqartut) imal. acetylsalicylsyre saperukku
- Allaniq nipaallisaatitoruit (NSAID- soorlu naggussatigut nappaatinut nakorsaatit COX-2 hæmmere imal. acetylsalicylsyrit).
- Nipaallisaatitorninnut (NSAID) atatillugu nerisat arrioriartortarfiisigut aanaarsimaguit inalukkannilluunniit putusoorsimaguit
- Aqajaqqukut ikeqaruit ikeqalersaruilluunniit, nerisat arrioriartortarfiisigut aanaaruit, aqajaqqup inalukkanut ikaarsaarfiagut ikeqaruit, aanaartitsisumik inalugarsuup ameraasaagut aseruuttooruit imal. inalugarsuakku anigugassaanngitsumik aseruuttoorneqaruit (Crohn )
- Siornatigut asmaqarsimaguit anerikillioortarsimaguilluunniit, salicylsyre-mik akulimmik nipaallisaatinilluunniit allaniq (NSAID) nakorsartereerninni ammip ikia -pingaartumik siggupit eqqai, toqqusaallu pullattarpata, sapigaqarnikkut qattusuunik aniornikkuit allatulluunniit sapigaqarnermut ersiuteqaruit.

- Aanaaqqajaasaruit
- Uummatit, tingut tartutilluunniit sulilluarunnaarsimappata
- Qaammatit arfineq aappassaanniit qulaaluaata tungaanut naartuguit

Aniorninikkuit, ameraasanit aanaartoqalerpat sapigaqarnermulluunniit allatigut qisuariaateqaruit nakorsaq attavigigasuaruk.

Qaqtiguugaluaqisoq sapigaqarneq pissutaalluni tassangaannaq amerlersinnaavutit, anerikilliulersinnaavutit ilisimajunnaarsinnaallutillu (minutsit nal. ak. iluini) (anafylaktisk shock). Inuunermut navianaateqarsinnaammat ambulancimut sianissaatit.

### Immikkut mianersuutigisassat

Ipren nakorsaasiutsinnagu nakorsaq, nakorsaaterisoq peqqinnissakkulluunniit sullissisoq alla attavigiuk:

- Uummalluuteqaruit, tamatumunnga atatillugu uummatinnik unittoorsimaguit imal. sakissakkut anniartaruit, uummativit taqaanik milittoorsimaguit, *taqqat nerukillisimasut avaqullugit* attavilertissimaguit, taqqatigut tillertutigut qaffasissumiittutigut nappaateqarsimaguit (taqqat nerukillisimavallaarnerat milissimaneralluunniit pissutaalluni nissunni isikkanniluunniit aappit ingerlaarnera ajoquteqarpat) imal. aanaartoorsimaguit qaratsanniluunniit taqqakkut milittoorsimaguit (tamanna annikitsumik atorsimagukku imal. qaratsakkut aanaartoorsimaguit /qaratsap taqaanik qaangiuteqittumik milittooraluarsimaguit)
- Aap taqqanut naqitsinera qaffasippallaarpat, sukkorermik nappaateqaruit, aap akua sukkoq qaffasippat, ilaqquttavit aarlaannik uummalluttoqarpat uummatip/qaratsap taqaagut milittoortoqarsimappat pujortartaruilluunniit.
- Astmaqaruit
- Tingut tartutilluunniit sulilluarunnaarsimappata
- Inalukkakkut nappaateqaruit nappaateqarsimaguilluunniit (Mb Crohn, inalugarsuup ameraasaagut aanaarnertalimmik aseruuttoorneqaruit (colitis ulcerosa))
- Tartukkut tingukkulluunniit nappaateqaruit, uummatit sulilluanngippat, sukkorermik nappaateqaruit, timip ipiutaasartaagut nappaateqaruit (SLE), utoqqaaguit, quisaatitoruit tartunnulluunniit sunniutilinnik nakorsaatoruit. Ipren-imik nakorsaateqarneq tartut sulinerannik annikillisisinnaammat, nakorsaat atulersinnagu atorneratalu nalaani -tartutit sulinnaariataarsinnaammata - sulinerat misissortittariaqarpat.

### Makku maluginiakkit:

Aseruunnertut ittunut annikillisaatit ibuprofen-itut ittut -pingaartumik annertuumik atuinermi-uummalluleriataarnermut imal. uummatip/qaratsap taqaagut milittoornermut annikitsumik navianaateqarsinnaapput. Innersuussutaasut sippornagit atuigit, nakorsaallu innersuussutaasumit sivisunerusumik atornagu. Ipren-imik nakorsaateqarnerpit nalaani naavit qulaagut ippiulissaguit (aqajaqqukku ikeqalissaguit) nerisalluunniit arrioriartortarfiisigut aanaartoqalissappat, nakorsaat unitsissavat nakorsarlu ajoqusersimasunulluunniit nakorsiartarfik attavigalugu.

Nakorsaatini NSAID-nik atuinermi utoqqaat kingunerluuteqarajunnerusarput. Nalinginnaanngitsumik nasserileruit, annat allatut isikkunippat, iggissannik qasilisitsiguit assigisaannillu malussaruit, nakorsaq attavigigasuaruk.

Nipaallisaatinik sunilluunniit sivisuumik atuinermi niaqorlunneq sakkortusisinnaavoq akulikillisinnaallunilu. Taamaalineq nakorsaatiniq atuvallaarnikkut niaqorlunnermik taaguuteqarpoq. Ipren-imik nakorsaateqarnerpit nalaani akulikitsunik ullulluunniit tamakkiallugit niaqorluttaruit nakorsaq attavigiuk.

Ipren naartuniarnermik ajornakusuulersitsisinnavaoq. Taamaamat naartorusukkuut naartuniareriilluunniit ajornartorsiutaappat Ipren atortariaqanngilat.

Ipren-ip aseruuttoornernut ersiutit malunnarunnaarsissinnaavai.

Meeqqani inuusuttunilu timimikkut imermik amigaatilinni tartut sulinerat annikillisinnaavoq.

Kuppiararuit Ipren-imik atuinissat inassutigineqanngilaq. Aaversinninnut quillu misisorneqarneranut atatillugu- taakkununga sunniuteqarsinnaamat- Ipren-imik nakorsaatornerit tamatigut ilisimatitsissutigiuk.

### **Nakorsaatornerit allat**

Nakorsaatornerit allanik atuiguit qanittukkulluunniit atuisimaguit tamatigut nakorsamut nakorsaatornerisumulluunniit oqaatigisakkit.

Makku arlaannik nakorsaatornerpit nakorsamut nakorsaatornerisumulluunniit oqaatiginissaa immikkut pingaaruteqarpoq:

- Aammut imerpallassaammik/taqqanik milittoornaveersaammik nakorsaateqaruit (acetylsalicylsyre, warfarin, phenprocoumon, heparin, rivaroxaban, dabigatran)
- Uummammut nakorsaateqaruit (digoxin, abciximab, tirofiban, integrelin, clopidogrel)
- Aap taqqanut naqitsineranik apparsaatornerit nakorsaateqaruit (ACE hæmmere ass. captopril, betablokkerit ass. atenolol, angiotensin-II-receptorantagonistit ass. losartan)
- Quisaatornerit nakorsaateqaruit (furosemid, thiazid)
- Nipaallisaatornerit allanik atuiguit (acetylsalicylsyre, NSAID COX-2 hæmmer-illu)
- Naggussakkut gigteqarnermut, sakkortuumik amerluuteqarnermut (psoriasis) kræftimulluunniit nakorsaateqaruit (methotrexat).
- Tarnikkut nappaammut (manio depresiv psykose) nakorsaatornerit (lithium aamma SSRI)
- Amerluummut isikkulluunniit nappaammut nakorsaatornerit imal. inuup allap timaata pisataanik pilersinnermut atatillugu nakorsarneqaruit (cyclosporin aamma tacrolimus)
- Tartut uiguusa aammut aniatitaannik hormonimik nakorsaatornerit (kortikosteroider)
- HIV-mut nakorsaatornerit (zidovudin)
- Aap akuata orsup annertuallaarneranut (LDL) nakorsaatornerit (colestyramin)
- Naartuersinnissamut nakorsaatornerit (mifepristone)
- Aseruuttoornernut nakorsaatornerit (aminoglykosider, quinoloner)
- Sukkornermik nappaatit imm. aappaannik nappaateqarnermut nakorsaatornerit (sulfonylurinstoffer)
- Oqunnik patsiseqartumik aseruuttoornernut nakorsaatornerit (voriconazol, fluconazole)
- Nunap pissarititaanit nakorsaasiamik ginkgo biloba-mik akulimmik nakorsaatornerit

### **Naartuneq, milutsisineq naartusinnaanerlu**

Naartuguit, milutsisiguilluunniit, naartusoriguit imal. naartulernissat pilersaarutigigukku nakorsaatornerit atulersinnagu nakorsaq nakorsaatornerisorluunniit siunersioqqaakkit.

### **Naartunermi**

Naartuninni qaammatit arfineq aappassaannit qulaaluassaannut Ipren nakorsaatornerisannngilat. Naartunippit qaammataani siullerni arfinilinni nakorsaq isumaqatigeqqaarlugu sapinngisarlu tamaat annikinnerpaaffianiitillugu sivikinnerpaamillu aatsaat nakorsaatornerisinnavaat.

### **Milutsisinermi**

Ipren nakorsaatornerigalugu milutsisinnavaavit. Milutsisiguit nakorsaatornerit atulersinnagu nakorsaq oqaluuguk

### **Arnani naartulerusuttuni**

Naartulerusukkuit, Ipren atorunnaangikkukku annikinnerpaaffissaaniitillugu sivikinnerpaamik atussavat. Ipren naartulernissamut ajornakusuulersitsisinnaavoq. Allamik nakorsaasersinnaanerit pillugu nakorsaq oqaluuguk.

### **Angallannermi suliffimmilu isumannaallisaaneq**

Ipren angallattunut akuunermut suliffimmilu isumannaatsumik sulinissamut ajoqutaangilaq.

### **Ipren lactose-mik akoqarpoq**

Nakorsap sukcut arlaannik sapigaqarninnik oqaluttuussimappatit, nakorsaat atulersinnagu nakorsaq attavigiuk.

## **3. Atorneqarnissaat**

Nakorsaat matumani nassuiaataasut imal. nakorsap, nakorsaatilerisulluunniit maleruaqqusaa maleqqissaarlugu atussavat. Nalornissuteqaruit nakorsaq nakorsaatilerisulluunniit aperikkat.

### **Annertussusiliisarneq nalinginnaasoq**

**Inersimasut:** iisartakkat 1 - 2 (200 - 400 mg) anniarnermi. Ulloq unnuarlu annerpaamik iisartakkat arfinillit iisinnaavatit (1200 mg).

**Utoqqaat:** Annertussusissaa allangortittariaqangilaq. Utoqqaat kingunerluuteqarajunnerusarnerat maluginiassavat (imm. 2 takuuk).

**Meeqqat inuusuttullu:** 15-it inorlugit ukiullit taamaallaat nakorsap innersuussutaa naapertorlugu Ipren nakorsaatigisinnaavaat. Meeqqat inuusuttullu ullut pingasut sinnerlugit Ipren nakorsaatitut pisariaqartippassuk, imal. nappaammut ersiutit ajornerulerpata, nakorsaq attavigisariaqarpoq.

### **Tinguup tartullu sulilluarunnaarsimaneranni**

Annikitsumik tingoop tartullu sulilluarunnaarsimaneranni annertussusiliinissamut siunnersuut allangortittariaqangilaq. Tinguk tartulluunniit annertuumik sulilluarunnaarsimappata Ipren nakorsaatigissangilat. Nakorsap annertussusiliinera malittarissavat.

### **Ipren ingasaassimagukku**

Ipren matumani innersuussutaasunut nakorsalluunniit annertussusiliussaanut sanilliullugu ingasaassimagukkit peqqiilliortutullu misigisimaguit nakorsaq, ajoqusersimasunut nakorsiartarfik nakorsaatilerisorluunniit attavigiuk. Nakorsaatit puuat nassaruk.

Naakkut ippiorneq, merianguneq, meriarneq, nukillaanganeq uernarnerlu, puunganeq, uissannguneq, niaqorlunneq, siutit ittunnerat, qitiusumik sianiuuteqarfiit sunnerneqarnerat noqarnerlu ingasaassisimanermut ersiutaapput. Qaqutigut aap seernamik akoqarpallaarnera pissutigalugu qasoqqaneq, merianguneq, meriarnerlu, aap natrium-imik akoqarpallaarneranik patsiseqartumik, qilaleneq-, quup aammik akoqalernerneq-, aap taqqanut naqitsinerata appasippallaalernerneq-, tillit akuttornerat-, tillit akulikillinerat-, uummatip tillernerata akuttoqatigiigunnaarnerneq-, ilisimajunnaavinneq (koma)-, tingoop sulinerata sunnerneqarnerneq-, tassangaannaq tartut suliunnaarnerat-, meeqqallu mikisut anersaatorunnaatsiartarnerat misigineqarsinnaapput.

### **Ipren puigorsimagukku**

Puigukkannut taarsiullugu marloriaammik iisissanngilatit.

### **Ipren nakorsaatigiunnaarukku**

Nalorniguit nakorsaq, nakorsaatilerisut peqqinnissakkulluunniit sullissisut allat aperikkat

#### 4. Kingunerluutit

Ipren nakorsaaititut allatulli kingunerluuteqarpoq inuilli tamarmik kingunerluuteqartitsisangillat.

**Kingunerluutit nalinginnaalluinnartut** (nakorsaaitortut quliugaangata ataatsimit amerlanerusunit malugineqarsinnaasartut): **Navianaateqanngitsut:** Seernaliorpallaarnej/sitsoqinneq, timminneq.

**Kingunerluutit nalinginnaasut nalinginnaalluinnartullu** (nakorsaaitortut 100-it akornanni ataatsip sinnilaartumit misigineqarsinnaasartut):

**Navianaatillit:** nerisat arriorartortarfiini aanaartoqarnera pissutigalugu aattalimmik meriarnej anaqarnerluunniit.

**Navianaateqanngitsut:** Merianguneq, meriarnerlu, nasserineq/naakkut ippiornej, nerisat arriorartornerannik ajornartorsiuteqarnej, manngertitsineq, naat noqartarnerat, annikitsumik erniinnarlu qaangiuttumik niaqorlunneq, uissannguneq, siutit siorsunnerat, aniorninneq, timip immannera, inuussutissat ilaasa arrotinneqareerlutik quumut akuliuttut, nukinneersullu tartutigut aniatinneqartussap (kreatinin) aammi katersuunnerat.

**Kingunerluutit nalinginnaasut** (nakorsaaitortut 100-it akornanni ataatsip qilillu akornanniittunit misigineqartartut):

**Navianaateqanngitsut:** Merianguneq, meriarnej, naakkut iluaalliuuteqarlunilu anniarnej, nerisat arriorartornerannut atatillugu ajornartorsiuteqarnej, anassamik manngertitsineq, naakkut qilusoorneq, sakkukitsumik niaqorlutsiarnej, uissannguneq, siutit ittunnerat, timikkut aniorneqarnej, timikkut immattoorneq.

**Kingunerluutit nalinginnaasuunngitsut** (nakorsartittunit 1.000-init ataatsip qilillu akornanni misigineqartartut): **Navianaatillit:** Uummatip sulilluarunnaarnera (uummalloreersuni), aqajaqqukut-, aqajaqqup inalukkanut ikaarsaarfiani aanaartumik/ikeqalorneq, aap akuisa allannguuteqarnerat kissarnejartitsisinnaasoq aseruuttoortitsisalersinnaasorlu, merianguneq, meriarnej, nalinginnaasumik inuummarlornej, tartut tassangaannaq suliunnaarnerat pissutaalluni quukilliartorneq, anniarnej, kissarnejarnej, quup aattaqalerneru qapunneralu, tartut ajoqusernejarnerisigut kiinnap, assaat isikkallu pullalersinnaanerat, tassangaannaq sapigaqarnermut ersiuteqalorneq ameraasap ammillu- pingaartumik sigguit toqqusaallu pullalernerannik kinguneqartoq, tusaasusineq/takususineq, tingukkut aseruuttoorneq, qanikkut ikinnguuttunik aseruuttoorneq, sungarpallanneq, astmaqarnerup ajorsinera, anernikilliornej.

**Navianaateqanngitsut:** iggissakkut seernaqarnej, aakilliornej, ammikkut kakikkaalutitsineq, sapigaqarnikkut qattusuunik aniorneqalorneq, ungilliernej, ammikkut ameraasatigullu annikitsumik aanaartoqarnera, inngiasunneq, sorlunnik milinngatitsineq, sinissaaleqineq, annilaanganeq, toqqissisimannginneq, aap taqqanut naqitsinerata qaffasippallaarnera, isigisat akornuteqalernerat, tusaasinnaanerup sunnernejarnera, aaversinnikkut kisitsisit tinguup sulineranik takussutissisut allannguuteqarnerat, nappaatit aqajaqqukut inalukkaniluunniit aseruuttoornermik nassataqartut.

**Kingunerluutit qaqtigoortut** (nakorsaaitortut 10.000-it akornanni ataatsip qilillu akornanniittunit misigineqarsinnaasartut):

**Navianaatillit:** Niaqorlunneq, qiterlunneq, tunusup qerattarnera, uissannguneq, kajumiinneq, timip ipiutaasartaagut nappaatilinni qaratsap ameraasaagut aseruunnertut ittumik ersiuteqarnej immaqalu kissarnejarnej, tartut sunnernejarnerat, isip sianiuutaagut aseruuttoorneq (optisk neurit), tingukkut toqunartuninneq.

**Navianaateqanngitsut:** Perusoqannginneq, piomassuserinngisamik kigaatsuaqqamik equsaarnej, ammikkut pullaqisunik aniorneqarnej, merianguneq, kajumiinneq, aap akuata taratsup (natrium) annikipallaalersimanera pissutaalluni nukit sanngiillinerat paatsiveerusimaarnerlu, qiarlunneq, Ipre-ip saperneru pissutigalugu kissarnejarnej, nikallunneq, paatsiveerusimaarnej,

ukkassilluarsinnaannginneq, qanoq pisoqarneranik paasinnilluarsinnaannginneq qisuariataarsinnaannginnerlu.

**Kingunerluutit qaqtigoorluinnartut** (nakorsaaitortut 10.000-it akornanni ataatsip inortunit misigineqarsinnaasartut): **Navianaatillit:** Anernikilliornerup ajorseriataarnera, aqajaqqup sanilequtaagut aseruuttoorneq pissutigalugu naakkut sakkortuumik anniarneq kissarneqarnerlu, amerlerneq ammillu annertuumik utinera, tassanngaannaq amerlerneq, sapigaqarneq pissutigalugu anernikilliorneq ilisimajunnaarnerlu (minutsialuit imal. nal. akunnialuit ingerlaneranni (anafylaktisk shock)), pingaartumik sivirusumik atuisimanermi tingup ajoquserneqarnera, tingup suliunnaarnera.

**Navianaateqanngitsut:** Inalukkakkut nappaatit ajorseriaateqarnerat (inalugarsuakkut aseruuttoorneq/colitis aamma Crohn), nutsat katagarnerat, nutsat kukiillu nappaataat, kuppiarneq, kissarneqarneq, qasoqqaneq, taqqakkut aseruuttoorneq pissutigalugu peqqiilliorneq, inuussutissat arrortinneqareerlutik qumut akuliullutik aniasussat annikillinerat.

### **Kingunerluutit, qanoq akulikitsigissusaat ilisimaneqanngitsut**

Aseruuttoornerit nappaatinut tuniluuttunut attuumassutillit ajorseriarnerat (toquliornilimmik nukiiit, taqqat sianiutillu akornanni timip ipiutaasartaagut aseruuttoornerit ittut).

Nakorsaait ipren-isut ittut uummatip qaratsallu taqaanik milittoornermut /aanaartoornermut annikkaluamik attuumassuteqarsinnaapput. Sivirusumik annertuumillu atuinermi navianaataa annertunerusarpoq.

Ambulancimut sianerit:

- Uummativit taqaanik milittoorsimasinnaaneq pissutigalugu anernikilliuleruit, sakissakkut qungatsinnut talinnulluunniit atasumik annialeruit
- Qaratsap taqaanik milittoornerusinnaammatt aanaartoornerusinnaammalluunniit nukillaaruit, oqalunniarneq ajornartorsiutaalerpat, ilisimajunnaarnermi.

### **Kingunerluutinik nalunaaruteqarneq**

Kingunerluutinik malussaruit nakosaq, peqqissaasoq nakorsaaterisorluunniit oqaluuttariaqarpat.

Tamanna kingunerluutaasinnaasunut aamma matumani nassuiaatigineqanngitsunut atuuppoq.

Illit ilaqtatilluunniit kingunerluutit pillugit toqqaannartumik Lægemedelstyrelsemut Axel Heides Gade 1, DK 2300 København S, nittartagaq: [www.meldenbivirkning.dk](http://www.meldenbivirkning.dk) E-mailikku: [dkma@dkma.dk](mailto:dkma@dkma.dk) nalunaaruteqarsinnaavusi.

Kingunerluutinik nalunaaruteqarnikkut nakorsaaitip isumannaassusaanut paasissutissanik annertunerusunik pissarsinissamat ikiutissaatit.

## **5. Sumiitinnissaat**

Meeqqat inorsillugit inissinneqassapput.

Nalinginnaasumik kiassusilimmiitinneqarsinnaapput.

Atorneqarfissaannut killiliussaqaq puuani allassimasoq qaammat naareersimappat ipren-it atorneqassanngillat.

Nakorsaaitukkavit sinnerisa qanoq iliornissaat pillugu nakorsaaterisoq aperiuk. Avatangiisit

illersorniarlugit nakorsaait sinnerinik kuuffimmut, anartarfimmut eqqaavimmulluunniit

igitseqinak.

## **6. Imartussusaat paasissutissallu allat**

### **Ipren 200 mg iisartakkat iiuminarsakkat akui**

Nakorsaaitaa: Ibuprofen.

Akui allat: Croscarmellosenatrium (E 468), hypromellose (E 464), kartoffelstivelse, lactosemonohydrat, magnesiumstearat (E 470b), mikrokrySTALLINSK cellulose (E 460), propylenglycol (E 1520), talcum (E 553b), kolloid silica imertaqanngitsoq (E 551).

**Isikkui poortallu imartussusaat**

Ipren iisartagaavoq ammalortoq qaarajuttoq iiuminarsagaq.

Ipren-it poortat 20-nik, 30-inik, 50-inik 100-nik, 250-inik 300-nillu imallit pissarsiassaapput. Annertussutisilli tamakkerlutik pissarsiassaanersut apeqqutaassaaq.

**Nioqquteqarnissamut akuersissutilik**

Takeda Pharma A/S  
Dybendal Alle 10  
DK 2630 Taastrup

**Tunisassiortoq**

Takeda GmbH  
Lehnitzstr. 70-98  
16515 Oranienburg  
Tyskland

Takeda Pharma Sp.Z. o.o.  
12, Ksiestwa Lowickiego Str.,  
99-420 Lyszkowicw, Poland

**Paasissutissiissut kingullermik nutarterneqarpoq juuni 2017.**